

INNOCENTIVS PP. X. Charissimo in Christo filio nostro, salutem, & Apostolicam benedictionem, ad universalis Ecclesiae regimen, mentis, licet imparibus, inscrutabili divinae providentiae iudicio vocati, piorum, & de orthodoxa fide, sanctaque Sede Apostolica optimè meritorū Regum votis libenter annuimus, pro ut rerum, & temporum qualitatibus debitè pensatis conspiciamus, in Domino salubriter expedire. Cum itaque sicut Maiestatis tuae nomine nobis nuper expositum fuit Laici subditi tuorum Regnorum Castellae, & legionis in eorum Comitibus, seu Curijs infra scriptum subsidium Maiestati tuae praestare promptè obtulerint, & ad praedictum effectum cōsenserint impositioni gabellarum, seu sisas super vino, aceto, oleo, & carne, scilicet octavae partis specierum, vel praetij vini, aceti, & olei, ac ultra sisas super carne antea impositas, & trium Regalium pro quolibet capite pecudum, triumque mora petinorum pro qualibet libra carnis, quae minutatim venditur, sexdecimque mora petinorum pro qualibet mensura (arroba nuncupata) vini sifati, alteriusque mora petini, pro qualibet mensura (açumbre nuncupata) vini etiā sifati, ac sexdecim mora petinorum pro qualibet mensura olei (arroba nuncupata) ac quatuor mora petinorum pro qualibet libra candelarum de sebo, ac saponis, vel alias verioribus quantitatibus impositarum, & auctarum, quae sunt exigendae, & percipiendae, durante sexenio incepto à prima die mensis Augusti praesentis anni M. DC. XLIII. nempe pro suma decem & novem millionū, cū dimidio alterius millionis, ad rationē triū millionū, & ducentorū quinquaginta milliū ducatorū monetæ Hispaniae quodlibet anno praedicti sexenij solvèd. ex praedictis gabellis, & sisis super praedictas rerum species (ut praemittitur) impositis, & auctis ita, ut omnes, tam laici, quā Ecclesiastici praedictorum Regnorum non solum ementes, & vendentes, sed etiam illi, qui praedictas rerum species percipiunt, ex proprijs terrenis, vel afflictibus, aut respectivè emunt in vbis, vel olivis, seu colligunt pro decimis, aut etiam dono accipiunt, seu aliàs ex quovis alio redditu, & introitu habent, & cōsumunt, ita ut omnes laici cuiuscumque gradus, status, conditionis, & praeminentiae ad id subsidium cōtribuere, ac gabellas, & sisas huiusmodi solvere deberent, neque vllus laicus immunis esset, aut exemptus: Ecclesiastici quoque eorundem Regnorum, si, & postquam nostra, & huius Sanctae Sedis licentia, seu approbatio accesserit, in subsidio huiusmodi, scilicet in praedictis gabellis super eisdem speciebus impositis, & auctis cōtribuere, gabellasque, seu sisas praedictas iuxta litterarum nostrarum in forma Brevis super praedicta licentia, seu approbatione expediendarum formam, continentiam, & tenorem, persolvere deberent. Id circo pro parte eiusdem Maiestatis tuae fuit Nobis humiliter supplicatum pro approbatione oneris Cleri, Ecclesiarum, locorūque piorum, & personarum Ecclesiasticarum ad contribuendū in praedicto sexennio incepto à praedicto mense Augusti proximè praeteriti, & ut sequitur, vsque ad mensem Augusti M. DC. L. finiendo in praedictis sisis, & gabellis, iam, ut praemittitur, impositis, & auctis, pro solutione praedictorum millionum decem & novem, cū dimidio alterius millionis: attento, quod, ut Maiestas tua asserit, hactenus actum fuerit, & de praesenti agatur de communi defensione, & interesse, tam laicorum, quā Cleri Ecclesiarum, locorum piorum, & personarum Ecclesiasticarum praedictorum Regnorum, quodque facultates laicorum, ad summā praedictam conficiendam, ea, qua expedit celeritate infra tempus opportunum, non sufficerent. Nos igitur, nedū

prom-

promptam, & obsequentem eorundem laicorum subditorum tuorum erga te oblationem, sed etiam Maiestatis tuæ, erga fidem Catholicam zelum commendantes, ac de ingentes sumptus, quibus Maiestas tua, ob assidua, quæ pro defensione Fidei Catholicæ, tuorumque Regnorum, & Dominiorum iugiter in pluribus Orbis partibus sustinet, bella, paternæ dirigentes considerationis intuitum, motu proprio, ac ex certa scientia, & matura deliberatione nostris, deque Apostolicæ potestatis plenitudine, prævia etiam, quatenus fores opus, respectu forsam exactorum, scilicet à prædicta prima die Augusti præsentis anni, absolute à quibuscumque censuris, & pœnis, quam tenore præsentium concedimus: volentes Maiestatem tuam favore prosequi gratioso, Clerum, omnesque, & singulas Ecclesias, loca pia, personasque Ecclesiasticas, tam seculares, quàm cuiusvis Ordinis, etiam exempti, etiam Societatis Iesu, & Apostolicæ Sedi immediatè regulares: nec non Monasteria vtriusque sexus, Conventus, & Collegia, ac Capitula quarumcunque Ecclesiarum Regnorum Castellæ, & legionis prædictorum, ac in eisdem Regnis commorantium, & respectivè consisten. ad conferendum, & contribuendum pro eorum rata, ad instar laicorum, in dictis gabellis, seu sisis, quoad prædictam summam dumtaxat decem & novem millionum, cum dimidio alterius millionis prædictorum ducatorum monetæ illorum Regnorum, mediante scilicet solutione prædictarum gabellarum, seu sifarum in prædicta quantitate tantum, & super prædictis rerum speciebus dumtaxat in dictis Regnis colligendis, & consumendis, vt præmittitur, impositarum durante prædicto sexennio dumtaxat à mense Augusti proximè præteriti, vt præfertur, inchoato, & vt sequitur finiendo, & non ultra teneri, & obligatos esse, non tamen quo ad prædictas rerum species, quas Clerus, Ecclesiæ, & loca pia prædicta, ac personæ Ecclesiasticæ prædictæ ex proprijs terrenis, seu decimis, aut alijs quibuscumque redditibus proprijs, per se, vel alios etiam affectuarius, suos, vel etiam ex eleemosynis percipiunt, & pro divino cultu, seu proprijs, vel familiarum suarum vrbibus consumunt, pro quibus omnino immunes, & exempti sint: & elapso prædicto sexennio, exactio respectu Ecclesiasticorum cesset: & nullatenus quovis prætextu, vel causa contiguari possit: etiam, si integra summa prædictorum decem & novem millionum, cum dimidio alterius millionis huiusmodi, adhuc non fuisset exacta: quodque si ante sexennij huiusmodi finem, summam decem & novem millionum, cum dimidio alterius millionis ducatorum huiusmodi confecta fuerit, Ecclesiastici prædicti amplius contribuere, & dictas gabellas, seu sisas, vt præmittitur, solvere non debeant, sed præsens gratia expiret: nullaque sit, eo ipso. Quodque Clerus, Ecclesia loca pia, & personæ Ecclesiasticæ prædictæ, durante prædicto sexennio non possint gravari ratione cuiusvis alterius novi augmenti prædictarum gabellarum, & sifarum super eisdem, ac novæ impositionis aliarum gabellarum, & sifarum, super quibuscumque rerum speciebus. Nec etiam pro portionibus, juro nuncupatis de laicorum tantum consensu aliàs erectis, & impositis eorumque fructibus (ita tamen, quod non eximantur à præsentis contributione, vel in aliqua illius parte iuxta formam aliarum nostrarum litterarum super aliorum exactorum absolute expeditarum sub die hesternâ) nisi, si & postquam beneplacitum nostrum, seu à successoribus nostris concessum fuerit: aliàs in quolibet casu contraventionis, quilibet contraveniens, eo ipso absque alia declaratione sententiam excommunicationis maioris incur-

incurrat, & ad restitutionem illius, in quo excesserit, teneatur, tenore earun-
 dem presentium decernimus, & declaramus. Volentes etiam, quod omnes,
 & singuli Ecclesiastici predicti solvere recusantes, opportunis, & facti reme-
 dijs per Ordinarios Ecclesiasticos locorum tantum ad solutionem huius-
 modi cogantur, non autem coram iudicibus laicis, sive exactoribus earun-
 dem gabellarum, sive sasarum, neque quibusvis alijs iudicibus laicis, aut Mi-
 nistris sub pœna excommunicationis maioris, aut alijs pœnis à Sacris Ca-
 nonibus, & Constitutionibus Apostolicis inflictis, & comminatis ipso facto,
 sine alia declaratione incurrendis (à quibus, à nemine præter quam à nobis,
 à Romano Pontifice pro tempore existente absolvi, etiam vigore quorun-
 cunque privilegiorum Apostolicorum, etiam Cruciatę sanctę nequeant) cõ-
 veniri nullo modo possint, seu debeant, sed à predictis Ordinarijs Ecclesia-
 sticis tantum ad solutionem huiusmodi compelli valeant, quibus Ordinarijs
 sub interdicti ingressus Ecclesię, ac suspensionis à Divinis, nec non omnibus
 & singulis eiusdem Maiestatis tuę Officialibus, & Ministris cuiuscunque
 status, gradus, conditionis, dignitatis, & præminentia fuerint, ac alijs qui-
 buscunque etiam speciali nota dignis, etiam Apostolicę Sedis Delegatis, &
 Commissarijs, etiam Cruciatę prædictę cæterisque omnibus alijs ad quos
 quomodolibet spectat, & pro tempore expectavit sub prædicta excommu-
 nicationis maioris pœna, ut præmittitur, eo ipso incurrenda districtè præci-
 piendo mandamus, ut Divini iudicij memores, ne Ecclesias, & alia prædicta,
 ac Clerum, & Ecclesiasticos indebitè, neque ultra præter, aut contra conti-
 nentiam, & tenorem presentium nostrarum litterarum gravent quomodoli-
 bet, nec à quoquam gravari permittant, & ne dum contra quoscunque con-
 travenientes, & quomodolibet in observantes ad sententiarum censurarum,
 & pœnarum prædictarum declarationem, & promulgationem respectivè, sed
 etiam contra eosdem Ecclesiasticos, & Regulares, etiam exemptos, nobis-
 que, & Apostolicę Sedi immediatè subiectos etiam Societatis Iesu solvere
 recusantes ad quancunque simplicem eorundem exactorum requisitionem,
 etiam executivè, ac quacunque appellatione remota, auctoritate nostra
 procedant. Volumus autem, quod istud subsidium respectu contributio-
 nis Cleri, Ecclesiarum, locorum piorum, ac personarum Ecclesiastica-
 rum prædictorum Regnorum, scilicet decem & novem millionum prædic-
 torum ducatorum, cum dimidio alterius millionis succedat loco quorun-
 cunque onerum, gravaminum, & impositionum prædictorum, etiam pro mi-
 litibus, & alijs quibuscunque impositorum, ac etiam loco quorunlibet alio-
 rum subsidiorum super millionibus, per fœlicem recordationem Urba-
 num Octavum prædecessorem nostrum, aliosque prædecessores nostros
 hætenus approbatorum, & concessorum, & à Nobis per prædictas no-
 stras litteras condonatorum, ita quod illorum vigore post lapsum præ-
 sentis mensis Decembris, presentis anni M. DC. XLIII. nihil amplius
 à Clero, nec a quoquam Ecclesiarum, locorum piorum, & Ecclesiastico-
 rum prædictorum exigi possit, quodque pecuniæ ex predictis subsidijs, &
 gabellis,

gabellis, seu sifis, vt præmittitur à dictis Ecclesiasticis exigende, in prædictos, & non in alios vsus convertantur: super quo eiusdem Maiestatis tuæ consciētiā oneramus. Decernentes præsentēs litteras, validas, firmas, & efficaces existere, & fore, sicque, & non aliter, quovis prætextu, ratione, vel causa per quoscumque iudices ordinarios, & delegatos, etiam causarum Palatij Apostolici Auditores, sublata quacumque omnibus, & singulis cuiuscumque status, gradus, conditionis qualitatis præminentie, & dignitatis, etiam Ecclesiasticæ, etiam individua mentione dignis quomodolibet in contrarium iudicandi, definiendi, interpretandique facultate, & auctoritate iudicari, interpretari, & defini debere, ac irritum, & inane, si secus super his à quoquam, quavis auctoritate, scienter, vel ignoranter contingerit attentari: non obstantibus constitutionibus, & ordinationibus Apostolicis, etiam in generalis Concilij editis privilegijs quoque, indultis, & litteris Apostolicis Ecclesiasticis Regnis, personis, Capitulis, Monasterijs, Conventibus, Collegijs, & alijs prædictis, sub quibuscumque tenoribus, & formis, ac cum quibusvis, etiam derogatorijs derogatorijs, alijsque efficacioribus, efficacissimis, & insolitis clausulis irritantibusque, & alijs decretis in genere, vel in specie, ac alijs in contrarium quomodolibet concessis, confirmatis, & innovatis. Quibus omnibus etiam si pro illorum sufficienti derogatione, de illis, eorumque totis tenoris specialis, specifica, expressa, & individua, ac de verbo ad verbum, non autem per clausulas generales idem importantes, mentio, seu quævis alia expressio habenda esset illorum tenoribus præsentibus, pro plene, & sufficienter expressis habentur illis alias in suo robore permanens ad præmissorum effectum, specialiter, & expressè derogamus: cæterisque contrarijs quibuscumque. Vt autem præsentēs nostræ litteræ cum opus fuerit ad omnem notitiā facilius devenire possit decernimus, vt earum exemplis etiam impressis manu alicuius Notarij publici subscriptis, & sigillo personæ alicuius in dignitate Ecclesiastica constitutæ munitis, eadem prorsus fides in iudicio, & extra adhibeatur, quæ præsentibus ipsis adhiberetur, si forent exhibita, vel ostensa. Datæ Romæ apud Sanctum Petrum sub annulo Piscatoris, die XXIII. Decembris M. DC. XLIII. Pontificatus nostri Primo. M. A. Maraldus.

Este es un traslado bien y fielmente sacado de una copia de un Breve de su Santidad Innocencio Decimo, autorizada por Pedro de Torres Notario Apostolico de la Audiencia Arçobispal de Madrid, el qual le presentò ante el Eminentissimo señor Cardenal Sandoual mi señor, Obispo de Iuen, el señor D. Rodrigo Suarez Sarmiento y Pimentel Cavallero de la Orden de Santiago, y señor de la casa y villa de Ventraces, Visitador general, y Administrador de los Reales servicios de millones deste Reyno y Provincia de Iuen: Y su Eminencia lo mandò copiar, y que se autorizase por mi el infra escrito su Secretario, y assi va sellado con el sello de las armas de su Eminencia. Y en fee dello an Isidro Pacheco Racionero de la Santa Yglesia de Iuen, y Secretario de su Eminencia, lo signè y firmè.

Isidro Pacheco